

ಪಾಲನು ತೆಸಲೊನಿಕದವರಿಗೆ ಬರೆದ ಪತ್ರಿಕೆ ಪಾಲಾನಿ ತೆಸಲೊನಿಕಾನಾ ಲಿವ್‌ಲ್ಯಾಲ ಪೈಲ ಪತ್ರ ವಳಕ್

ತೆಸಲೊನಿಕಾನಾ ಲಿವ್‌ಲ್ಯಾಲ ಪೈಲ ಪತ್ರ ಅಪೊಸ್ತಲ್ ಭಾಲ್ಯಾಲ್ಯಾ ಪಾಲಾನಿ ಲಿವ್‌ಲ್ಯಾ 1:1 ಹ್ಯ ಪತ್ರ ಸತ್ಯವೇದಾಚಾ ಭಾಗ್ ವ್ಹಯಾ ಪಾಲಾನಿ ಲಿವ್‌ಲ್ಯಾಲ ಪೈಲ ಪತ್ರ ಭಾಲ್ಡ್ ಆಸಲ್. ಆನಿ ಹ್ಯ ಪತ್ರ ಖುಬ್ ಕರುನ್ ಯೇಸು ಕ್ರಿಸ್ತ ಜಲ್ಮುನ್ 51 ವರ್ಸಾ ನಂತರ್ ಲಿವ್‌ಲ್ಯಾ ಪಾಲಾನಿ ತೆಸಲೊನಿಕಾಚೆ ಸಬೆಲಾ ಹ್ಯ ಪತ್ರ ಲಿವ್ತಾನಾ ಕೊರಿಂತ್ಯಾತ್ ಹುತ್ವಾ, ಹಿ ಸಬೆ ತ್ಯಾಚಾ ಬರೆಖಬರಿಚಾ ದೊನವ್ಯಾನ್ ಜಾತ್ಯಾಲ್ಯಾ ಯಳಾತ್ ಬ್ಯಾಂದ್ಲೆ ಅಪೊಸ್ತಲ್ 17:1-10 ಹಿ ಸಬೆ ಥೊಡ ಯೆಹುದಿ ಆನಿ ಖುಬ್ ಗ್ರೀಕಾನಾ ಗಿಹುನ್ ಬ್ಯಾಂದ್ಲೆ ಮನ್ವುನ್ ಅಪೊಸ್ತಲಾಂಚ್ ಪುಸ್ತಕ್ ಸಾಂಗ್ಲೆ.

ಸಬಾ ಬ್ಯಾಂದ್ಲ್ಯಾ ನಂತರ್ ಖುಬ್ ಯೊಳ್ ತೆಸಲೊನಿಕಾತ್ ರಾಹ್ಯಾಲಾ ಪಾಲಾಲಾ ಭಾಲ್ವನಾಹಿ. ಮನ್ವುನ್ ತ್ಯಾನ್ ತಿಥ್ ಆಸ್‌ಲ್ಯಾಲ್ಯಾ ಇಸ್ವಾಸಿನಾ ಉಮೇದ್ ದಿಯಾಸಾಟಿ ಹ್ಯ ಪತ್ರ ಲಿವುನ್ ಲಾವುನ್ ದಿಲ. ಹ್ಯಾ ಪತ್ರ್‌ಯಾತ್ ಇಸ್ವಾಸಿಂಚಾನಿ ಕಸಾ ಜೀವ್ಣಾ ಕರಾವಾ ಮನ್ವುನ್ ಖುಬ್ ಗುಶ್ಟಿ ಆನಿ ಸಾದ್ಯಾ ಪಾರ್ಖಿ ಹಾತ್ವಾ. ಪಾಲಾನಿ ಕ್ರಿಸ್ತಾಚಾ ದೊನವ್ಯಾ ಯನ್ಯಾಲಾ ಖುಬ್ ಧ್ಯಾನ್ ದೇತೊ. ಕಾ ಮಂಜೆ ತೆಸಲೊನಿಕಾತ್ಲೆ ಸಭೆಚಾ ಇಸ್ವಾಸಿನಾ ಹೇ ಗುಶ್ಟಿತ್ ಖುಬ್ ಮನ್ ಹುತ್ವ. ಪಾಲಾನಿ ಕ್ರಿಸ್ತಾಚ್ ದೊನ್ವ ಯನ ದೇವಾಲಾ ಆವಾಡಲ್ಯಾಲಾ ಜೀವ್ಣಾ ಚಾಲ್ವಾಯಾ ಉಮೇದ್ ದಿಯಾ ಉಪೇಗ್ ಕರ್ತೊ 5:6-8

ಭಾಗ್

1. ಪಾಲಾನಿ ಹ್ಯ ಪತ್ರ ಸಬೆಲಾ ನಮಸ್ಕಾರ್ ಕರೀತ್ ಆನಿ ತ್ಯಂಚಿಸಾಟಿ ದೇವಾಲಾ ಉಪ್ಕಾರ್ ಸಾಂಗಿತ್ ಚಾಲು ಕರ್ತೊ 1

2. ಮಂಗ್ ಆಪ್ತು ಕರ್ತಾಲಿ ಕಾಮ ಆನಿ ತಿಮೊಥಿನಿ ಆನ್‌ಲ್ಯಾಲೆ ಖಬರಿಚೆ ಗುಪ್ತಿತ್ ಸಾಂಗ್ತೊ 2—3
3. ಮಂಗ್ ಪೌಲಾನಿ ಇಸ್ವಾಸಿಂಚಾನಿ ಕಸ ಯೇಸುಚಾ ದೊನವ್ಯಾ ಯನ್ಯಾಚಾ ಉಜಿಡಾತ್ ಜೀವ್ನಾ ಕರಾಯಾ ವ್ಹಯಿ ಮನ್‌ಹ್ಯಾಚಾ ಪಾರ್ಖಿ ದೆತೊ 4:1—5:15
4. ಪೌಲ್ ಆನಿ ಯಂಗ್ಡಾ ಸಬೆಲಾ ನಮಸ್ಕಾರ್ ಸಾಂಗಿತ್ ಹ್ಯ ಪತ್ರ ಸಬೆತಲ್ಯಾ ಪರತೇಕಾಲಾ ಪುರ್ತಿ ಸಮಜಾಯಾಸಾಟಿ ಸಬೆತ್ ವಾಚ್ಪುನ್ ಸಾಂಗಿತ್ ಪತ್ರ ಸಪಿವ್ತೊ 5:16-28

¹ ಮೀ ಪೌಲ್ ಹ್ಯ ಪತ್ರ ಲಿವ್‌ತ್ಯೊ ಮಾಜಿ ಸಂಗ ಸಿಲ್ವಾನ್ ತಿಮೊತೆ ಹಾತ್ರ. ಬಾ ದೇವಾಪ ಆನಿ ಪ್ರಬು ಕ್ರಿಸ್ತ ಯೆಸುಪ ರಾಧ್ಯಾಲೆ ತೆಸಲೊನಿಕಾಚಾ ಮೆಳ್ಕಾತ್‌ಲ್ಯಾ ಲೊಕಾನಾ ಕ್ರಪಾ ಶಾಂತಿ ವ್ಹವುನಿ.

ತೆಸಲೊನಿಕಾಂಚಾ ಜೀವ್ನಾ ಆನಿ ಇಸ್ವಾಸ್

² ದೇವಾಪ ಮಾಗ್ನ ಕರ್ತಾನಾ ತುಮ್ಮಿ ಯಾದ್ ಕರುನ್ ತುಮ್ಮಿ ಸಗ್ಳ್ಯಾಂಚೆ ಗುಪ್ತಿತ್ ದನ್ಯಾವಾದ್ ಸಾಂಗ್ತಾವ್.

³ ಕಶ್ಟಾತ್ ಆನಿ ತರಾಸಾತ್ ಬಿಹುನ್ ಕುನಿ ಸಾಹಿತ್ ದೇವಾಪ ಇಸ್ವಾಸ್ ಸಾಂಡಾಚಾ ನಕೊ ಮನ್ವುನ್ ಆಮಿ ಆಶಾ ಕರ್ತಾವ್ ಆಮಿ ತರಾಸ್ ಸುಸ್ಪುನ್ ಗಿಹುನ್ ದೇವಾಚಾ ಮನಾಚೆಗತ್ ಹಾ ಮನ್ವುನ್ ಆಮಾನಾ ರಾವ ಹಾ.

⁴ ಆಮ್ಚಾ ಬನ್ವಿಬಾವ್ಡಾನು, ದೇವಾನಿ ತುಮಾನಾ ಮಾಯೆನಿ ಆಪ್ಲಿ ಆಸಿ ನಿವ್ಡುನ್ ಗೆತಲ್ಯಾತ ಮನ್ವುನ್ ಆಮಾನಾ ರಾವ ಹಾ.

⁵ ಕಾ ಮಂಜೆ ಆಮಿ ತುಮ್ಮಿಪ ಆನ್‌ಲ್ಯಾಲಿ ಬರಿ ಖಬರ್ ನಿಸ್ಲ ಸಬಾತ್ ನವ್ಲೆಬಳಾನಿ ಪವಿತ್ರಾತ್ಮಾನಿ ಆಲ್ಯಾ ಖುಬ್ ಶ್ರದ್ಧೆನಿ ಆನ್‌ಲ್ಯಾ ಆಮಿ ತುಮ್ಮಿ ಸಂಗ ಹುತ್ತಾವ್ ತುಮ್ಮಾ ಪ್ಯಾಯ್‌ದ್ಯಾ ಸಾಟಿ ಕಸಾ ಜೀವ್ನಾ ಕರ್ತಾವ್ ತುಮಾನಾ ರಾವ ಹಾ.

⁶ ಫನ್ ತುಮಿ ಆಮ್ಚಿಗತ್ ಆನಿ ಪ್ರಭುಚಿಗತ್ ಚಾಲ್ಯಾಸಾ ತುಮಿ ಖುಬ್ ತರಾಸ್ ಖಾಲಾಸಾ ತರಿ ಪವಿತ್ರಾತ್ಮಾನಿ ಆಲ್ಯಾಲಿ ಬಾತ್ಲಿ ಆನಂದಾನಿ ಆಮ್ಚಿ ಬರಿ ಖಬರ್ ಚಾಂಗ್ಲಿ ಸ್ವಿಕಾರ್ ಕರುನ್ ಗೆತ್ಲೆಸಾ.

7 ಆಸಸ್ ಮಕೆದೊನ್ಯಾ ಆನಿ ಅಖಾಯಾತ್ರಿ ಕ್ರಿಸ್ತಾವ ಇಸ್ವಾಸ್ ಥೆವ್‌ಲ್ಯಾಲ್ಯಾನಾ ವಳಕ್ ಜಾಲ್ಯಾಸಾ.

8 ಪ್ರಭುಚ್ ಸಬಾತ್ ತುಮ್ಮಿಪ್ಪಿಸ್ ಮಕೆದೊನ್ಯಾತ್ರಿ ಅಖಾಯಾತ್ರಿ ಪಗಾಳ ತ್ಯವ್ನ್ ನವ್ವದೇವಾವ ಥೆವ್‌ಲ್ಯಾಲಾ ಇಸ್ವಾಸ್ ಸಗ್ಳ್ಯಾ ಜಾಗ್ಯಾತ್ರಿ ಪಗಾಳ್ತಾ ತ್ಯಚಿಸ್ ಲಾಗುನ್ ತೇ ಗುಶ್ಟಿತ್ ಆಮಿ ಕಾಯಿಸ್ ಸಾಂಗಾಯಾ ವ್ಹಯಿ ಜಾಲನಾಹಿ

9 ಆಮಿ ತುಮಾನಾ ಬೇಟ್ ಜಾಲ್ತಾವ್ ತವಾ ತುಮಿ ಆಮಾನಾ ಕಸ ಸ್ವಿಕಾರ್ ಕೆಲ್ಯಾಸಾ ಮನ್ವುನ್ ಹಿ ಲೊಕ ಸಾಂಗ್‌ತ್ಯಾತ. ಆನಿ ತುಮಿ ಪಾಶಾನ ಪುಜ್‌ತ್ಯಾಲ್ಯಾತ್ರಿ ಕಸಿ ಪರಾತ್‌ಲ್ಯಾಸಾ ಆನಿ ಜೀವ್ ಆಸ್‌ಲ್ಯಾಲ್ಯಾ ಆನಿ ಖರ್ಚ್ಯಾ ದೇವಾಚಿ ಸೇವಾ ಕಸಿ ಕರ್ತಾಸಾ ಮನ್ವುನ್ ಸುಡುನ್ ದೇವಾಕ್ ಪರ್ತುನ್ ಜೀವ್ ಆಸ್‌ಲ್ಯಾಲ್ಯಾ ಖರ್ಚ್ಯಾ ದೇವಾಚಿ ಸೇವಾ ಕಸಿ ಕರ್ತಾಸಾ ಮನ್ವುನ್ ಬೊಲ್‌ತ್ಯಾತ.

10 ತ್ಯೊ ಮೆಲ್ಯಾಲ್ಯಾತ್ರಿ ಉರಿವಲ್ಯಾಲಾ ಸ್ವರ್ಗಾತ್ರಿ ಯನಾರಾ ತ್ಯಚಾ ಲೇಕಾಚಿ ವಾಟ್ ಬಗ್‌ತ್ಯಾಲಿ ಮನ್ವುನ್ ಸಾಂಗ್‌ತ್ಯಾತ ಹ್ಯೊ ಯೇಸು ಮೊರ್ಡ್ತಾಯತ್ಯಾಲ್ಯಾ ದೇವಾಚಾ ರಾಗಾತ್ರಿ ಆಮಾನಾ ಚುಕಿವ್ಸಾರಾ.

2

ಥೆಸಲೊನಿಕಾತ್ ಪೊಲಾಚ್ ಕಾಮ

1 ಆಮ್ಚೆ ಬನ್ದಿಬಾವ್ತಾನು, ಆಮಿ ತುಮ್ಮಿಪ ಆಲ್ಯಾಲ ಪುಕಟ್ ಜಾಲನಾಹಿ ಮನ್ವುನ್ ತುಮಾನಾ ಸಮಾಜ್.

2 ಆಮಿ ತುಮ್ಮಿಕ್ ಥೆಸಲೊನಿಕಾತ್ ಯಯಾಚೆ ಆಂದಿ ಪಿಲಿಪ್ಪಿತ್ ಆಮಾನಾ ಕಸ ಚಾಲಿವ್ ಆನಿ ಆಮ್ಚಿ ಕಸಿ ನಿಂದಾ ಕಿಲಿ ತುಮಾನಾ ರಾವ ಹಾ. ಖುಬ್ ತರಾಸ್ ಆಸ್ತಾನಾ ಆಮ್ಚಾ ದೇವಾನಿ ಆಮಾನಾ ಧೀರ್ ದಿವುನ್ ತ್ಯಚಿಪ್ಪಿ ಆಲ್ಯಾಲಿ ಚಾಂಗ್ಲಿ ಖಬರ್ ಸಾಂಗಾಯಾ ಧೀರ್ ದಿಲ್ಯಾ

3 ಕಾ ಮಂರು ಆಮಚ್ ಸಿಕ್ವಿಲಬಾಡ್ ನವ್ವ ಬುರ್ಸ ನವ್ವ ಮೋಸ್ ನವ್ವ

4 ಹ್ಯಚಿ ಬದಲಿ ದೇವಾನಿ ಆಮ್ಚಿ ಪಾರಕ್ ಕರುನ್ ಆಮಿ ಇಸ್ವಾಸಾಚ್ ಮನ್ವುನ್ ಬರಿ ಖಬರ್ ಆಮ್ಚಾ ತಾಬ್ಯಾತ್ ದೀಲಿ ಮನ್ವುನ್ ಯವಜುನ್

ಮಾನ್ಸಾನಾ ಆವ್ಡಾಲಾ ವ್ಹಯಿ ಮನ್ಹುನ್ ನವ್ವ ಮನಾತ್ಲ ಸಮಜುನ್ ಗೆಥ್ಯಾಲ್ಯಾ ದೇವಾಲಾ ಆವ್ಡಾಯಾ ವ್ಹಯಿ ಮನ್ಹುನ್ ಬೊಲ್ತಾವ್.

5 ತುಮಾನಾ ಸಮಾಜ್‌ಲ್ಯಾ ಶಾರ್ಕ್ ಆಮಿ ತೊಂಡಾ ಮೊರ್ಲ್ ಬೊಲ್‌ತ್ಯಾಲ ಮನ್ಹುನ್ ದಿಸುನ್ ಆಲಾವ್ ನಾಹಿ, ಆನಿ ಪೈಶಾಂಚೆ ಆಶೆನಿ ತುಮಾನಾ ಫಸ್ತಾಯಾ ಆಲಾವ್ ನಾಹಿ; ಹ್ಯಲಾ ದೇವುಸ್ ವಳಕ್.

6 ಆಮಿ ತುಮ್ಮಿಷ್ಟಿ ನಾಹಿತ ದುಸ್ಮಾರ್ಯಾಷ್ಟಿ ಮರ್ಮಾದ್ ಗಿಯಾ ಯತ್ನ ಕಿಲಿ ನಾಹಿತ.

7 ಆಮಿ ಕ್ರಿಸ್ತಾಚ್ ಆಪೋಸ್ತಲ್ ಆಸುನ್ ತುಮ್ಮಿಷ್ಟಿ ಮರ್ಮಾದ್ ಇಚಾರಾಯಾ ಗಾವತಿ. ಫನ್ ಕಸಿ ಆಯಿ ಆಪ್‌ಲ್ಯಾ ಪೊರಾಲಾ ಸಂಬ್ಯಾಳ್ತೆ ತಸಿನ್ ತುಮಿ ಸಾಹಿತ್ ಆಮಿಪ ಆಸ್ತಾನಾ ಆಮಿಬಿ ತುಮ್ಮಿ ಸಂಗ ಮಿಬ್ ಥಂಡ್ವನಾನಿ ಚಾಲ್ಯಾವ್.

8 ಕಾ ಮಂಜೆ ತುಮಿ ಆಮಾನಾ ಮಿಬ್ ಮಾಯೆಚ್ ಮನ್ಹುನ್ ಆಮಿ ತುಮ್ಮಿಪ ಮಾಯೆನಿ ದೇವಾಚಿ ಬರಿ ಖಬರ್ ಸಾಂಗಾಯಾ ತ್ಯವ್ಣಿ ನವ್ವ ತುಮ್ಮಿ ಸಾಟಿ ಜೀವ್ನಾಬಿ ವ್ಯಾಟ್ಲಾ. ತುಮಿ ಆಮಾನಾ ಮಿಬ್ ಮಾಯೆಚಿ ಜಾಲ್ಯಾಸಾ.

9 ಖರ್ಮಾನಿಸ್ ಬನ್ದಿ ಬಾವ್ತಾನು ಆಮಿ ತುಮ್ಮಿಪ ಕುನಾಲಾ ವಚ್ ವ್ಹವು ನಾಹಿ ಮನ್ಹುನ್ ರ್ಮಾತ್ ದೀಸ್ ರಾಬುನ್ ಜೀವ್ನಾ ಚಾಲ್ತಿತ್ ದೇವಾಚಿ ಬರಿ ಖಬರ್ ತುಮಾನಾ ಸಾಂಗ್ಲಿ; ತ್ಯೊ ಆಮಚಾ ತರಾಸ್ ಯತ್ನ ತುಮ್ಮಿ ಯದತ್ ಹಾ.

10 ಇಸ್ವಾಸ್ ಥೆವ್ನಾರ್ಮಾನು ತುಮ್ಮಿ ಗುಶ್ಟಿತ್ ಆಮಿ ಕೃವ್ಣ ನಿಶ್ಚಳ್ ವ್ಹವುನ್ ನೀಯತಿಚ್ ವ್ಹವುನ್ ಚುಕ್ ನಸ್‌ಲ್ಯಾಲ ವ್ಹವುನ್ ಚಾಲ್ಯಾವ್ ಮನ್ಹುನ್ ತುಮಿಸ್ ವಳಕ್ ಜಾಲ್ಯಾಸಾ, ಆನಿ ದೇವ್ಣಿ ಹ್ಯಲಾ ವಳಕ್ ಜಾಲ್ಯಾ.

11 ತುಮಾನಾ ರಾವ ಹಾ ಕಸಾ ಯೊಕ್ ಬಾ ಆಪ್‌ಲ್ಯಾ ಪೊರ್‌ಗ್ಯಾಸಂಗ ಚಾಲ್ತೊ ಆಮಿ ಸಾಹಿತ್ ಪರತೇಕಾ ಸಂಗ್ಲಿ ಚಾಲ್ತಾವ್.

12 ಆಮಿ ತುಮಾನಾ ಉಮೇದ್ ದಿಲಿ ಆನಿ ಸಾಂತ್ವನ್ ದಿಲಿ ಆನಿ ಆಮಿ ಇನಂತಿ ಕರಿತ್ ಹುತ್ತಾವ್ ತುಮಚಾ ಜೀವ್ನಾ ದೇವಾಲಾ ಆವ್ಡಸಾರಾ ಚಾಲ್ತಾಯಾ ವ್ಹಯಿ. ತ್ಯನಿ ತುಮಾನಾ ಆಪಲ್ಯಾ ರಾಜಿತ್ ಆನಿ ಮೈಮೆತ್ ವಾಟಿದಾರ್ ವ್ಹಯಾ ಹಾಕಟ್‌ಲ್ಯಾ.

13 ಆಮಿ ತುಮ್ಮಿಸಾಟಿ ದೇವಾಲಾ ಖಾಯಿಮ್ ವವ್ಯಾಳಾಯಾಸಾಟಿ ಆನಿ ಯಾಕ್ ಕಾರನ್ ಹಾ ಆಮಿ ದೇವಾಚಿ ಬರಿ ಖಬರ್ ತುಮ್ಮಿಪ ಆನ್ಲಿ ತವಾ ತುಮಿ ತೀ ಐಕುನ್ ಗಿತ್ಲಿಸಾ ತೇ ದೇವಾಚ್ ಸಬಾತ್ ಮನ್ವನ್ ವ್ಹಯ್ ಮನ್ಲಾಸಾ ತ್ಯ ಮಾನ್ಸಾಂಚ್ ಸಬಾತ್ ನವ್ತ ತೆ ಖರ್ಯಾನ್ ದೇವಾಚಿ ಖಬರ್ ಹ್ಯಸ್ ತುಮಚ್ಫಾ ಇಸ್ವಾಸ್ ಘಟ್ ಕರ್ತ.

14 ಆಮ್ಚಾ ಬನ್ಲಿ ಬಾವ್ತಾನ್ ಕ್ರಿಸ್ತಾಲಾ ಸಮನ್ ಆಸ್‌ಲ್ಯಾಲ ಯುದಾಯಾತ್‌ಲ್ಯಾ ಮೇಳ್ಕಾತ್ಲಿ ಲೊಕ ಯಹುದ್ಯಾಂಚಾಪ್ಲಿ ತರಾಸ್ ಗೇನಾರ್ ಆಸಸ್ ತುಮಿ ತುಮ್ಮಾ ಲೊಕಾಂಚಿಪ್ಲಿ ತರಾಸ್ ಗೇತ್ಲಾಸಾ.

15 ತ್ಯಂಚಾನಿ ಪ್ರಭು ಜಾಲ್ಯಾಲ್ಯಾ ಯೇಸುಲಾ ಆನಿ ಪ್ರವಾದಿನಾ ಮ್ಯಾರ್, ಆಮಾನಾ ತರಾಸ್ ದಿಲಾ; ಆನಿ ತೇ ದೇವಾಲಾ ವವ್ಯಾಳ್‌ತ್ಯಾಲ ನವ್ತ, ಆನಿ ತೇ ಸಗ್ಳಾ ಲೊಕಾನಾ ವಾದಿ ಜಾಲ್ಯಾತ್;

16 ಯಹೂದಿ ನಸ್‌ಲ್ಯಾಲ್ಯಾ ದಿಸರ್ಯಾ ಲೊಕಾನಾ ರಕ್ಷನ್ ವ್ಹಯಾ ಬರಿ ಖಬರ್ ಸಾಂಗ್‌ತ್ಯಾಲ ಥಾಂಬಿವ್ಲ; ಆನಿ ತ್ಯಂಚಿ ಪಾಪಾಂಚಿ ಕಾಮ ಬರ್ಪ್ಲೆನ್ ಉತು ಆಲ್ಯಾತ್. ಮಂಗ್ ದೇವಾಚ್ಫಾ ರಾಗ್ ತ್ಯಂಚಿವ ಆಲ್ಯಾ.

ಆನಿ ಯಂಗ್ಡಾ ತ್ಯನಾ ಮಿಳಾಚ್ ಪೌಲಾಚ್ ಮನ್

17 ಮಾಜಾ ಬನ್ಲಿ ಬಾವ್ತಾನ್ ಆಮಿ ಥೊಡ್ಯಾ ಯೆಕಾಲಾ ತುಮ್ಮಿಪ್ಲಿ ದುರ್ ಜಾಲ್ಲ್ಯಾಪ್ ಯವಜ್ಞಾನ್ಯಾನಿ ನವ್ತ ಶರೀರಾನಿ ಆಮಿ ತುಮಾನಾ ಆನಿ ಯಂಗ್ಡಾ ಮಿಳಾಯಾ ಕೃಪ್ಲಿ ಯತ್ನ ಕಿಲಿತ.

18 ಕಾ ಮಂಯ್ಲಿ ತುಮ್ಮಿಪ ಯಯಾ ಆಮಾನಾ ಮನ್ ಹುತ್ತ್; ಪೌಲ್ ಮಂತ್ಯಾಲಾ ಮಿ ಖುಬ್ ಖೆವಾ ಯನಾರಾ ಹುತೊ; ಖರ ಸೈತಾನಾನಿ ಆಮಾನಾ ಥಾಂಬಿವ್ಲ.

19 ಸರ್ತ್ಯಾ ಯೆಕಾಲಾ ತುಮಿ ದುಸರ್ಯಾಪ್ಲಿ ಕಮ್ಮಿ ನಾಹಿಸಾ ಆಮಚ್ಫಾ ಪ್ರಭು ಜಾಲ್ಯಾಲ್ಯಾ ಕ್ರಿಸ್ತ ಯೇಸು ಯತಾನಾ ತುಮಿ ಆಮ್ಮಿ ಆಶಾ ಆಮಚ್ಫಾ ಆನಂದ್ ಆನಿ ಆಮಿ ಸನ್ಮಾನ್ ಕರಾಯಾ ಕಾರನ್ ತುಮಿ ಹಾಸಾ.

20 ತುಮಿ ಆಮಚ್ಫಾ ಸನ್ಮಾನ್ ಆನಿ ಆನಂದ್ ಜಾಲ್ಯಾಸಾ.

3

1 ಸರ್ತಾನಾ ಆಮಿ ಖುಬ್ ಯೊಳ್ ರಾಖಾಯಾ ವ್ಹಯಿತ್ನಾಹಿ ಮನ್ವನ್ ಆಮಿ ಅಥೇನೆಯತ್ ರಾಹ್ಯಾಲಾ ನಿರ್ದಾರ್ ಕರ್ತಾವ್.

2 ಆನಿ ಆಮಿ ಕ್ರಿಸ್ತಾಪ ಬಾಹು ಜಾಲ್ಯಾಲ ಆನಿ ದೇವಾಸಾಟಿ ಕ್ರಿಸ್ತಾಚೆ ಬರಿ ಖಬರ್ ಸಾಂಗಾಚೆ ಗುಶ್ಟಿತ್ ಮಾಜೆ ಸಂಗಚಾ ಕಾಮ್ಗಾರಿ ತಿಮೊತ್ಯಾಲಾ ತುಮಾನಾ ಘಟ್ ಕರಾಯಾ ಆನಿ ಇಸ್ವಾಸಾತ್ ಉಮೇದ್ ದಿಯಾ ತುಮ್ಮಿಪ ಲಾವುನ್ ದಿಲ್ಯಾ.

3 ತರಾಸಾತ್ ಆನಿ ಕಶ್ಟಾತ್ ಕೊನ್ ಸಾಹಿತ್ ಬಿಹುನ್ ದೇವಾವ ಇಸ್ವಾಸ್ ಥಿವುನ್ ರಾಹ್ಯಾಚೆ ನಕೊ ಮನ್ವನ್ ಆಮಿ ಆಶಾ ಕರ್ತಾವ್.

4 ಕಾ ಮಂಜೆ ಆಮಿ ತುಮ್ಮಿಪ ಆಸ್ಥಾನಾ ಆಮಿ ಸಗ್ಳಿ ತರಾಸ್ ಖಾಯಾಲಾಸ್ ವ್ಹಯಿಸಾ ಮನ್ವನ್ ಆಂದಿಚಾನ್ ಸಾಂಗಿತಾವ್. ತಸಸ್ ತುಮಾನಾ ರಾವ ಆಸ್ಲ್ಯಾ ಶಾರ್ಕ ಹ್ಯ ಸಗ್ಳೆ ಜಾಲ್ಲ್ಯಾ.

5 ಮನ್ವನ್ ಆನಿ ಥಾಂಬಾಚೆ ಆಂದಿ ಎಕ್ ವೆಳೆ ಪರಿಕ್ಷೆ ಕರತ್ಯಾಲ್ಯಾನಿ ತುಮ್ಮಿ ಪರಿಕ್ಷೆ ಕಿಲಿ ನಸ್ತಿತ ಆಮಚಿ ಖಿಟ್ಟೆಟ್ ಉಗಸ್ ಜಾಲಿ ಕ್ಯಾ ಮನ್ವನ್ ತುಮಚಾ ಇಸ್ವಾಸಾಚೆ ಗುಸ್ತಿತ್ ಸಮಜುನ್ ಗಿಹ್ಯಾ ತ್ಯಲಾ ತುಮಚಿಪ ಲಾವುನ್ ದಿಲಾ.

6 ಫನ್ ತಿಮೊಥೆ ತುಮ್ಮಿಪ್ಪಿ ಪರ್ತುನ್ ಯವುನ್ ತುಮ್ಮಾ ಇಸ್ವಾಸಾಚೆ ಆನಿ ಮಾಯೆಚೆ ಗುಶ್ಟಿತ್ ಬರಿ ಖಬರ್ ಸಾಂಗುನ್. ತುಮಿ ಆಮಾನಾ ಖಾಯಿಮ್ ಮಾಯೆನಿ ಯಾದಕರುನ್ ಆಮಿ ತುಮಾನಾ ಕಸಿ ತಸಿಸ್ ತುಮಿಬಿ ಆಮಾನಾ ಬಗಾಯಾಸಾಟಿ ಮನ್ ಕರತ್ಯಾಸಾ ಮನ್ವನ್ ಸಾಂಗಲ್ಯಾ.

7 ಮನ್ವನ್ ಬನ್ದಿ ಬಾವ್ತಾನು, ಆಮ್ಚಾ ಸಗ್ಳೆ ಕಶ್ಟಾತ್ ತರಾಸಾತ್ ತುಮ್ಮೆ ಇಸ್ವಾಸಾಚೆ ಗುಶ್ಟಿತ್ ಆಮಾನಾ ಉಮೇದ್ ಗಾವ್ಲಿ.

8 ಪ್ರಭುಪ ತುಮಿ ಘಟ್ ಉಬಿ ರಾಯ್ಲ್ಯಾಸಾ ಹ್ಯಚಿಸಾಟಿಸ್ ಆತಾ ಆಮಿ ಸುಖಾತ್ ಹಾವ್.

9 ತುಮ್ಮಿಸಾಟಿ ಆತಾ ಆಮಿ ದೇವಾಲಾ ದನ್ಯಾವಾದ್ ದೆತಾವ್ ತ್ಯಚೆ ಉಪಸ್ಥಿತಿತ್ ಆಮಾನಾ ಆಸ್ಲ್ಯಾಲಾ ಆನಂದ ತ್ಯಚಿಸಾಟಿ ಆಮಿ ತ್ಯಲಾ ದನ್ಯಾವಾದ್ ದೆತಾವ್.

10 ಆಮಿ ರ್ಯಾತ್ ದೀಸ್ ಖಾಯಿಮ್ ತ್ಯಚಿಪ ಮಾಗ್ನ ಕರ್ತ್ಯಾವ್ ಆಮಿ ವಯಕ್ತಿಕ ತುಮಾನಾ ಬೆಟಾಯಾ ವ್ಹಯಿಲ್ ಆನಿ ತುಮ್ಮಾ ಇಸ್ವಾಸಾಲಾ ಗರಙ್ ಆಸ್‌ಲ್ಯಾಲಿ ಪುರ್ನ ಕರಾಯಾಸಾಟಿ,

11 ಆನಿ ಆಮಚಾ ಬಾಜಾಲ್ಯಾಲಾ ದೇವ್ ಆಮಚಾ ಪ್ರಭು ಜಾಲ್ಯಾಲಾ ಯೇಸು ಆಮಾನಾ ತುಮ್ಮಿಪ ಯಯಾ ಮಾರ್ಗ ನೀಟ್ ಕರುಂತ

12 ತುಮಚಿಪ ಆಮಚಿ ಮಾಯಾ ಲ ಜಾಲ್ಯಾಸಾರಿ ತುಮ್ಮಿ ಮಾಯಾ ಯಕಮಕಪ್ಪಿ ಪಗಳುನ್ ಸಗಲ್ಯಾ ಮಾಂಚಾಂಚಿಪ ಜಾವುನ್ ಖುಬ್ ವ್ಹಯಿ ಸಾರಿ ಪ್ರಭು ಆಶಿರ್ವಾದ್ ಕರುನಿ.

13 ಆಮಚಾ ಪ್ರಭು ಜಾಲ್ಯಾಲಾ ಯೇಸು ಆಪ್‌ಲ್ಯಾ ಸಗ್‌ಲ್ಯಾ ಭಕ್ತಾಂಚೆ ಸಂಗ ದಿಸ್ತಾನಾ ದೇವ್ ಜಾಲ್ಯಾಲ್ಯಾ ಆಮ್ಚಾ ಬಾಚೆ ಮೊರ್ಡ್ ತುಮಿ ಪವಿತ್ರ ಆನಿ ದೊಸ್ ನಸ್ಸಾರ ವ್ಹಯಿಸಾರ ತುಮ್ಮಿ ಮನ ಘಟ್ ಕರುನಿ.

4

ದೇವಾಲಾ ಆವಾಡತ್ಯಾಲಾ ಜೀವ್ನಾ

1 ಸರ್ತ್, ಬನ್ವಿ ಬಾವ್ತಾನು ಆಮಿ ಪ್ರಬು ಯೆಸುಪ್ಪಿ ತುಮಾನಾ ದಿಲ್ಯಾಲ್ಯಾ ಆಜ್ಞಾ ಸಮಾಜಲ್ಯಾಸಾ.

2 ಮನ್ವನ್ ತುಮಿ ಕಸಿ ಚಾಲುನ್ ದೇವಾಲಾ ಆವ್ಡಾಯಾ ವ್ಹಯಿಸಾ ತ್ಯಾ ಆಜ್ಞಾ ಆವ್ಚಿಪ್ಪಿ ಶಿಕುನ್ ತಸಿಸ್ ಚಾಲತ್ ಹಾಸಾ. ತುಮಿ ತಸಿಸ್ ಆಙುನ್ ಖುಬ್ ಚಾಲಾಯಾ ವ್ಹಯಿಸಾ ಮನ್ವನ್ ಯೆಸು ಕ್ರಿಸ್ತಾಪ ಮಾಗ್ತೊ.

3 ದೇವಾಚಿ ಇಚಾ ಕ್ಯಾ ಮಂಜೆ ತುಮಿ ಪವಿತ್ರ ರಾಹ್ಯಾ ವ್ಹಯಿಸಾ. ಮನ್ವನ್ ವ್ಯಬಿಚಾರಾಪ್ಪಿ ದುರ್ ರಾವ್ತಾ

4 ದೇವಾಲಾ ಸಮಜುನ್ ಗಿಹ್ಯಾಚೆ ಆಂದಿ ಆಸಲ್ಯಾಲ್ಯಾ ಲೊಕಾಂಚೆಗತ್ ಕಾಮಾಬಿಲಾಶೆತ್ ಗಾವ್ಡಾಚೆ ಆಂದಿ,

5 ತುಮ್ಮಿಪ್ಲಾ ಪರ್ತೆಕ್ ಯೊಕ್ ನಿರ್ಮಳ್ ಮನಾನಿ ಮರೆದಿನಿ ಬ್ಯಾಯ್ಕೊ ಕರುನ್ ಗೆವ್ಡಾವ.

6 ಆನಿ ಹೇ ಗುಪ್ತೆತ್ ಕುನಿ ಸಾಹಿತ್ ಆಪ್ಲಿ ಭುಕ್ ನಾಹಿತ ಆನಿ ಕಚೆ ತರಚಾ ಪುಕಟ್ ಪ್ಯಾಯ್ತಾ ಗಿಹುನಾಹಿ ಕಾ ಮಂಜೆ ಹ್ಯಾ ಸಗ್‌ಲ್ಯಾ

ಪಾಪಾನಾ ಪ್ರಭು ಸಿಕ್ಷಾ ದೇನಾರ್ ಆಮಿ ಆಂದಿಸ್ ತುಮಾನಾ ಸಾಂಗ್‌ಲ್ಯಾ ಆನಿ ಹುಶಾರ್ಕಿ ದಿಲೆ.

7 ದೇವಾನಿ ಆಮಾನಾ ಪಾಪಾಚಾ ಜೀವ್ನಾ ಕರಾಯಾ ಹಾಕಟ್ಲೆ ನಾಹಿ ಚಾಂಗ್ಲಾ ಜೀವ್ನಾ ಕರಾಯಾ ಹಾಕಟ್ಲೆ

8 ಆಸ ಆಸ್ತಾನಾ ಕೊನ್ ಹೆ ಶಿಕ್ಷನಾಚಿ ನಕ್ವಾಟ್ ಕರ್ತೊ ತ್ಯೊ ಮಾನ್ಸಾಲಾ ನಾಹಿ ಪವಿತ್ರಾತ್ಮಾ ತುಮಾನಾ ದೆತ್ಯಾಲ್ಯಾ ದೇವಾಲಾ ನಕ್ವಾಟ್ ಕರ್ತೊ.

9 ತುಮ್ಚೆ ಸಂಗಚಾ ಬಾವ್ಡಾಂಚಿ ಮಾಯಾ ಕರಾಯಾ ವ್ಹಯಿ ಮನ್ಶುನ್ ತುಮಾನಾ ಲಿವಾಚಿ ಗರಜ್ ನಾಹಿ. ಯಕಾಮಕಾಚಿ ಮಾಯಾ ಕರಾಯಾ ವ್ಹಯಿಸಾ ಮನ್ಶುನ್ ಸಿಕಿವ್ನ್ ತುಮಿಸ್ ದೇವಾಪ್ನಿ ಗಿಹುನ್,

10 ಸಗ್‌ಳ್ಯಾ ಮಕೆದೊನ್ಯಾತ್ ಆಸ್‌ಲ್ಯಾಲ್ಯಾ ಬಾವ್ಡಾನಾ ಸಗ್‌ಳ್ಯಾ ಮಾಯಾ ಕರ್ತ್ಯಾಲ ವ್ಹವುನ್ ಹಾಸಾ. ಫನ್ ಬಾವ್ಡಾನು ತುಮಿ ಮಾಯೆತ್ ಆನಿಕ್ ವಾಡಾಯಾ ವ್ಹಯಿಸಾ ಮನ್ಶುನ್ ತುಮ್ಚಿಪ್ ಮಾಗ್ತೊ.

11 ಥಂಡ್ವನಾಚಾ ಜೀವ್ನಾ ಕರಾಚಾ ಮುಜ್ರಾ ಥೆವಾ ತುಮ್ಚಿ ಕಾಮ ತುಮಿ ಕರಾ ತುಮ್ಚಿ ಜೀವ್ನಾಸಾಟಿ ತುಮಿಸ್ ಕವ್ಚಾ ಹ್ಯಚೆ ಗುಶ್ಟಿತ್ ಆಮಿ ತುಮಾನಾ ಆಂದಿಸ್ ಸಾಂಗ್‌ಲ್ಯಾ

12 ಆಸ ತುಮಿ ಇಸ್ವಾಸಾತ್ ನಸ್‌ಲ್ಯಾಲ್ಯಾಂಚೆ ಮೊರ್ದ್ವ ಸನ್ಮಾನ್ ಗಿಸಿಲಾ ಆನಿ ತುಮಾನಾ ಕಾಯ್ಚಿ ವ್ಹಯಿ ಜಾಲತ ಕುನಾಪ ಜಾಯಾಲಾಗತ್ ನಾಹಿ.

ಪ್ರಭುಚ್ ಯನ

13 ಆಮ್ಚಾ ಬನ್ವಿ ಬಾವ್ಡಾನು, ಮೇಲ್ಯಾಲ್ಯಾಂಚೆ ಗುಸ್ತಿತ್ ಆಮಿ ತುಮಾನಾ ಸಮ್ಜಾವಾಯಾ ಬಗ್ತಾವ್ ಹ್ಯಚಿಸ್ ಲಾಗುನ್ ಕೊನ್ ಸಾಹಿತ್ ಆಶೆತ್ ನಸ್‌ಲ್ಯಾಚೆಗತ್ ತುಮಿ ದುಖಾತ್ ರಾಹಿತ್ಪಾಹಿಸಾ.

14 ಯೇಸು ಮರುನ್ ಜೀತ್ವಾಜಾಲಾ ಮನ್ಶುನ್ ಆಮಿ ಖರ ಮಂಥಾವ್ ತಸಸ್ ತ್ಯಚಿವ ಇಸ್ವಾಸ್ ಥಿವುನ್ ಕೊನ್ ಮೆಲ್ಯಾ ತ್ಯನಾ ದೇವ್ ಯೇಸು ಸಂಗ ಉರಿವ್ನಾರ್ ಮನ್ಶುನ್ ಆಮಿ ಖರ ದರ್ತಾವ್.

15 ಆಮಿ ಪ್ರಭುಚಾ ಸಬ್ದಾಚಾ ಆದಾರಾನಿ ತುಮಾನಾ ಸಾಂಗಾಚೆ ಕ್ಯಾ ಮಂಜೆ, ಪ್ರಭು ಆನಿಕ್ ಯತ್ಯಾಲ್ಯಾ ದಿಸಾಪರತ್ ಜಿತ್ತಿ ಆಸ್‌ಲ್ಯಾಲಿ ಆಮಿ ಮೆಲ್ಯಾಲ್ಯಾಂಚಿವ್ಣಿ ಮೊರ್ದ್ವಯಿತ್ನಾಹಿ.

16 ಪ್ರಭುಚಾ ದಿಸನ್ಯಾತ್ ಪ್ರಭುಚಾ ಪೈಲ್ಯಾ ದುತಾಚಾ ಸಬ್ದ ಐಕುಯತೊ ತುತ್ಪರಿಚಾ ಆವಾಜ್ ಐಕುಯತೊ ದೇವ್ ಆಪ್ಣುಸ್ ಸ್ವರ್ಗಾತ್ಲಿ ಉತ್ರನ್ ಯನಾರ್; ತವಾ ಕ್ರಿಸ್ತಾಪ ಮೇಲ್ಯಾಲ ಆಂದಿ ಉರುನ್ ಯನಾರ್.

17 ತ್ಯಾ ನಂತರ್ ಜಿತ್ತಿ ಆಸ್‌ಲ್ಯಾಲಿ ಆಮಿ ಆಬ್ಕಾತ್ ಪ್ರಭುಚೆ ಮೊರ್ದ್ವ ಜಾಯಾ ತ್ಯಚೆ ಸಂಗ ಡಗಾತ್ಲಿ ನೆನ್ಹಾರ್; ಆಸ ಆಮಿ ಕವಾಬಿ ಪ್ರಭು ಸಂಗ ರಾನ್ಹಾರ್.

18 ಮನ್ವುನ್ ಹ್ಯಾ ಬೊಲ್‌ನ್ಯಾನಿ ಯಕಾಮಕಾಲಾ ಉಮೇದ್ ದೆವಾ.

5

ಪ್ರಭುಚಾ ಯನ್ಯಾಲಾ ತಯಾರ್ ರಾವ್ತಾ

1 ಬಂದ್ವಿಬಾವ್ತಾನ್ ಹ್ಯಾ ಗುಶ್ಟಿ ಕವಾ ಚಾಲತ್ಯಾತಾ ಮನ್ವುನ್ ದೀಸ್ ಆನಿ ಯೆಳ್ ತುಮಾನಾ ಲಿವಾಲಾ ವ್ಹಯಿ ಮನ್ವುನ್ ನಾಹಿ.

2 ಕಾ ಮಂಜೆ ರ್ಯಾಚಾ ಚೊರ್ ಕಸಾ ಯತೊ ತಸಸ್ ಪ್ರಭುಚೆ ಯನ ತುಮಾನಾ ಚಾಂಗ್ಲ ರಾವ ಹಾ.

3 ಸಗ್ಳೆ ಸಮಾದಾನಾನಿ ಭೆ ನಸ್ಥಾನಾ ರಾಥಾವ್ ಮನ್ವುನ್ ಲೊಕ ಸಾಂಗ್‌ತ್ಯಾಲಿ ಆಸ್ಥಾನಾ ತ್ಯಂಚಿವ ನಾಸ್ ಬಾಳ್ತಿನಿಲಾ ಬಾಳತ್ಪನಾಚೆ ಯಾಗ್ ತವಾಸ್ ಯತ್ಯಾಚೆಗತ್ ಯನಾರ್; ತಿ ಕಸಿಸ್ ಚುಕ್ಪುನ್ ಗಿಹಿತ್ನಾಹಿತ.

4 ಫನ್ ಬಂದ್ವಿಬಾವ್ತಾನ್, ತ್ಯೊದಿಸ್ ಚೊರಾಚೆಗತ್ ತುಮ್ಮಿವ ಯನಾರ್ ನಾಹಿ; ತುಮಿ ಆಂದಾರಾತ್ ರಾತ್ಯಾಲಿ ನವ್ವಸಾ.

5 ತುಮಿ ಸಗ್ಳೆ ಉಜಿಡಾಚಾ ದಿಸಾಚೆ ಭಾಲ್ಯಾಸಾ ತ್ಯೆವ್ಡಿಸ್; ಆಮಿ ರಾತಿಚಿ ಆನಿ ಆಂದಾರಾಚಿಬಿ ನವ್ವ.

6 ಮನ್ವುನ್ ಆಮಿ ದುಸರ್‌ಚೆಗತ್ ನಿಜುನ್ ರಾಹುನಾಹಿ, ಜಾಗಿ ರಾಹುನ್ ತುಮ್ಮಾ ತಾಬ್ಯಾತ್ ತುಮಿ ರಾವ್ತಾ.

7 ನಿಜತ್ಯಾಲಿ ರ್ಯಾಚಿ ನಿಸ್ತ್ಯಾತ, ಪಿವುನ್ ಘುಂಗ್ ಯತ್ಯಾಲಿ ರ್ಯಾಚಿ ಘುಂಗಿತ್ ರಾಧ್ಯಾತ.

8 ಆಮಿ ತರಿ ದಿಸಾಚಿ ವ್ಹಪುನ್ ಇಸ್ವಾಸಾಚೆ ಮಾಯೆಚ್ ಶಾತಿಚ್ ಕವಚಾ ರಕ್ಷಣೆಚಿ ವಾಟ್ ಬಗಾಚಿ ಡುಯಿಚ್ ಕವಚ ಗಾಲುನ್ ಚಾಂಗಲ್ಯಾ ಮನಾನಿ ರಾಹುಯಾ.

9 ಕಾ ಮಂಜೆ ದೇವಾನಿ ಆಮಾನಾ ಆಪಲ್ಯಾ ರಾಗಾತ್ ಗಾವ್ವಾ ವ್ಹಯಿ ಮನ್ವುನ್ ನಿವಡ್ಲ ನಾಹಿ ಫನ್ ಆಮಚಾ ಪ್ರಭು ಭಾಲ್ಯಾಲ್ಯಾ ಯೇಸುಸ್ ಲಾಗುನ್ ರಕ್ಷಣ್ ವ್ಹಯಿ ಮನ್ವುನ್ ದೇವಾನಿ ಥರಿವ್ಲ್ಯಾ.

10 ಯೇಸು ಕ್ರಿಸ್ತಾನಿ ಆವ್ಹಿಸಾಟಿ ಜೀವ್ ದಿಲಾ ಹ್ಯಚಿಸ್ ಲಾಗುನ್ ಆಮಿ ಜೀತ್ಲಿ ರಾಹುನಿ ನಾಹಿತ್ ಮೆಲ್ಯಾಲಿ ರಾಹುನಿ ತ್ಯೊ ಪರತುನ್ ಯತಾನಾ ತ್ಯಚಿ ಸಂಗ ಆಮಿ ಜಿತ್ಲಿ ರಾನ್ಹಾರ್.

11 ಮನ್ವುನ್ ತುಮಿ ಆತಾ ಕರ್ತ್ಯಾಶಾರ್ಕ ಯಕಾಮಕಾಲಾ ಮಜ್ಜತ್ ಕರಾ ಆನಿ ಉಮೇದ್ ದೇವಾ.

ಸರ್ತ ಸಬಾತ್ ಆನಿ ನಮಸ್ಕಾರ್

12 ಆಮ್ಚಾ ಬನ್ವಿ ಬಾವ್ವಾನು, ಆಮಿ ತುಮ್ಮಿಪ ಇನಂತಿ ಕರ್ತಾವ್ ಕಚಿ ಲೊಕ ತುಮ್ಮೆ ಮದ್ದಿ ಕಾಮ ಕರ್ತ್ಯಾತ ಆನಿ ಇಸ್ವಾಸಾಚಾ ಜೀವ್ನ್ ಕರಾಯಾ ವಾಟ್ ದ್ಯಾವತ್ಯಾತ್ ಆನಿ ನಿರ್ದೇಶನ್ ದೆತ್ಯಾತ್ ತ್ಯನಾ ಚಾಂಗ್ಲಾ ಸನ್ಮಾನ್ ದೇವಾ.

13 ತ್ಯಂಚಾನಿ ಕೆಲ್ಯಾಲ್ಯಾ ಕಾಮಾಸ್ ಲಾಗುನ್ ತ್ಯಂಚಿವ ಮಾಯಾ ಆನಿ ಮುಟಿ ಮರ್ಲ್ಯಾದ್ ದಾವಾ ಆನಿ ತುಮ್ಮಾ ತುಮ್ಮಾತ್ ಸಮಾದಾನಾನಿ ರಾವ್ವಾ.

14 ಆಮ್ಚಾ ಬನ್ವಿ ಬಾವ್ವಾನು, ಮೀ ತುಮ್ಮಿಪ ಮಾಗುನ್ ಗಿಹ್ಯಾಚ್ ಕ್ಯಾ ಮಂಜೆ ಕಾಮ್ ಕರಿ ನಸ್ಕಾರ್ಚ್ಯಾನಾ ಜಾಗಿ ಕರಾ ಬಳ್ ನಸ್ಲ್ಯಾಲ್ಯಾನಾ ಮಜ್ಜತ್ ಕರಾ ಸಗ್ಳಾಂಚಿ ಸಂಗ ಸಮಾದಾನಾನಿ ರಾವ್ವಾ.

15 ಯಕಾಮಕಾಲಾ ಆನಿ ಸಗ್ಳಾಂಚಾ ಕವಾಬಿ ಚಾಂಗ್ಲೆ ಕರಾಯಾ ಯತ್ನ ಕರಾ ಕುನಿಸ್ ಬುರ್ಶಾಲಾ ಬುರ್ಸ ಕರುನಾಹಿ ಆಸ ಬಗಾ; ಬರ ತೆಸ್ ಕರಾ.

16 ಕವ್ವಾಬಿ ಆನಂದಾನಿ ರಾವ್ವಾ;

17 ಕವ್ವಾಬಿ ಮಾಗ್ನ ಕರಾ;

18 ದೇವಾಲಾ ಸಗ್ಳಾ ಯಳಾತ್ ದನ್ಯವಾದ್ ಸಾಂಗಾ. ದೇವಾಚಿ ತುಮ್ಮಾ ಜೀವ್ವಾಸಾಟಿ ಕ್ರಿಸ್ತ ಯೇಸುಚೆ ಯಕಿತ್ ಹ್ಯಾಸ್ ಚಿತ್ ಜಾಲ್ಯಾ

19 ಪವಿತ್ರಾತ್ಮಚ್ ಕಾಮ್ ಇಜ್ಜು ನಕೊಸಾ;

20 ದೇವಾಪ್ಲಿ ಆಲ್ಯಾಲ್ಯಾ ಸಾಂಗ್‌ನ್ಯಾಚಾ ಆವ್ಮಾನ್ ಕರು ನಕೊಸಾ;

21 ಸಗ್ಳಾಚಿ ಪಾರಕ್ ಕರುನ್ ಘಾಂಗ್ಲ ತ್ಯಾಸ್ ಘಟ್ ದರಾ;

22 ಸಗ್ಳೆ ತರಚಾ. ಬುರ್ಖಾತ್ನಿ ದುರ್ ರಾವ್ತಾ

23 ಥಂಡ್ವನ್ ದೇನಾರಾ ದೇವ್ ಸ್ವತಾ ತುಮಾನಾ ಪುರೆತರನಿ ಪವಿತ್ರ ಕರುನಿ. ಆತ್ಮ ಜೀವ್, ಆನಿ ಶರೀರಾಲಾ ಆಮ್ಚಾ ಪ್ರಭು ಕ್ರಿಸ್ತ ಯೇಸು ಮಾಗಾರಾ ಯತಾನಾ ದೊಶ್ ನಸ್ತಾನಾ ಪವಿತ್ರ ವ್ಹಪುನ್ ರಾಹುಂತ.

24 ಕಾ ಮಂಜೆ ತುಮಾನಾ ಹಾಕಟ್ಕಾಲಾ ಇಸ್ವಾಸಾಚಾ ತ್ಯೊ ಆಪ್ಲಿ ಕಾಮ ಕರ್ನಾರ್

25 ಬನ್ವಿ ಬಾವ್ತಾನು ಆಮ್ಚಿ ಸಾಟಿ ಮಾಗ್ನ ಕರಾ.

26 ಸಗ್ಳಾ ಇಸ್ವಾಸಿನಾ ನಿರ್ಮಳ್ ಮನಾನಿ ನಮಸ್ಕಾರ್ ಕರಾ.

27 ಮಿ ಪ್ರಭುಚಾ ಹುಕ್ಮಾನಿ ತುಮ್ಮಿಪ ಇನಂತಿ ಕರ್ತೊ. ಹ್ಯಾ ಪತ್ರ ಸಗ್ಳಾ ಇಸ್ವಾಸಿ ಬನ್ವಿ ಬಾವ್ತಾನಾ ವಾಚ್ಪುನ್ ಸಾಂಗಾಯಾ ವ್ಹಯಿಸಾ.

28 ಆಮ್ಚಾ ಪ್ರಭು ಜಾಲ್ಯಾಲ್ಯಾ ಯೇಸು ಕ್ರಿಸ್ತಾಚಿ ಕ್ರಪಾ ತುಮ್ಮಿ ಸಂಗ ರಾಹುನಿ.

ದೆವಾಜಿ ಖರಿ ಕಬರ್
The New Testament in the Gowli language of India,
Devanagari script. ದೆವಾಜಿ ಖರಿ ಕಬರ್ (Bible)

copyright © 2023 The Word for the World International and Gowly Marathi Translation Samti, Karnataka

Language: (Gowli)

Contributor: The Word for the World International

ದೆವಾಜಿ ಖರಿ ಕಬರ್
ನವಾ ಕರಾರ್, 2023

The New Testament in Gowli Marathi Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 19 Dec 2025 from source files dated 3 May 2025

c4461ecc-9ab5-5edc-b62d-034ac186b922